



Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba
Трг правде 10, 76100 Брчко дистрикт Босне и Херцеговине; тел: 049/217-955; факс: 049/235-070; е-пошта: pkbd@pkbd.ba

Broj: SuPK-00-1151/22-I
Brčko, 14.10.2022. godine

Z A P I S N I K
sa 240. sjednice Pravosudne komisije Brčko distrikta BiH
održane 14.10.2022. godine, u 08,30 sati sa slijedećim

Dnevni m redom

1. Usvajanje zapisnika sa 239. redovne sjednice Pravosudne komisije Brčko distrikta BiH
2. Prijedlog Zakona o advokaturi Brčko distrikta Bosne i Hercegovine - drugo čitanje
(izvjestilac: Dejan Đurović)
3. Donošenje Odluke o formiranju Radne grupe za izradu prijedloga propisa iz finansijske i računovodstvene oblasti
(izvjestilac: Dejan Đurović)
4. Donošenje odluke o izmjenama i dopunama Odluke o formiranju Radne grupe za izradu prijedloga Zakona o izmjenama i dopunama Zakona o notarima Brčko distrikta BiH
(izvjestilac: Dejan Đurović)
5. Davanje Mišljenja na Nacrt Zakona o izmjenama i dopunama Zakona o Visokom sudskom i tužilačkom vijeću u BiH
(izvjestilac: Dejan Đurović)
6. Žalba Radenković Bože protiv zaključka predsjednika Pravosudne komisije Brčko distrikta BiH broj SuPK-01-865/22-II od 12.09.2022. godine
(izvjestilac: Dejan Đurović)
7. Davanje saglasnosti na Odluku o izmjeni Odluke o imenovanju Komisije za odabiranje arhivske građe i izlučivanje bezvrijednog registraturskog materijala u Osnovnom sudu Brčko distrikta BiH
(izvjestilac: Dejan Đurović)
8. Donošenje Odluke o organizovanju seminara na temu „Obrada tajnih podataka“
(izvjestilac: Dejan Đurović)
9. Donošenje Odluke o isplati naknade edukatoru na ime seminara za sudije na temu „Aktuelna pitanja iz Zakona o parničnom postupku Brčko distrikta - sporno pravno pitanje“
(izvjestilac: Dejan Đurović)
10. Verifikacija Rješenja o raskidu ugovora o volonterskom radu sa Vladanom Macanović, volonterom u Osnovnom sudu Brčko distrikta BiH
(izvjestilac: Dejan Đurović)
11. Donošenje Rješenja o prestanku radnog odnosa Miletu Teodosiću, šefu pisarnice u Osnovnom sudu Brčko distrikta BiH
(izvjestilac: Dejan Đurović)
12. Imenovanje Komisije za zapošljavanje po raspisanom javnom konkursu broj: SuPK-01-1043/22-I od 09.09.2022. godine
(izvjestilac: Dejan Đurović)

13. Rang lista sa preporukom za izbor stručnog saradnika u Apelacionom sudu Brčko distrikta BiH, po raspisanom javnom konkursu broj: SuPK-01-721/22-I od 30.05.2022. godine
(izvjestilac:Dejan Đurović)
14. Zaključivanje ugovora o volonterskom radu sa Jelenom Lukić, volonterom u Osnovnom sudu Brčko distrikta BiH
(izvjestilac:Dejan Đurović)
15. Javni poziv za prijem volontera u pravosudne institucije Brčko distrikta BiH
(izvjestilac:Dejan Đurović)
16. Donošenje rješenja o imenovanju Lj. M. koja će nadzirati rad za opšte dobro na slobodi osuđenog F. C. i rješenja o raspoređivanju F. C. na radno mjesto praoničar/vulkanizer u JP Komunalno Brčko d.o.o Brčko distrikt BiH
(izvjestilac:Dejan Đurović)
17. Donošenje rješenja o imenovanju R. S. koji će nadzirati rad za opšte dobro na slobodi osuđenog I. A. i rješenja o raspoređivanju I. A. na radno mjesto očitач električne energije/dostavljač u JP Komunalno Brčko d.o.o Brčko distrikt BiH
(izvjestilac:Dejan Đurović)
18. Molba za pomilovanje osuđenog D. Š.
(izvjestilac:Dejan Đurović)
19. Molba za pomilovanje osuđene A. Š.
(izvjestilac:Dejan Đurović)
20. R a z n o
Informacija o zakonima u skupštinskoj proceduri
Informacija u vezi Nacrta Zakona o sudovima BiH

PRISUTNI SU:

1. SAFET PIZOVIĆ, predsjednik Komisije,
2. DAMJAN KAURINOVIĆ, predsjednik Apelacionog suda BD BiH,
3. JADRANKO GRČEVIĆ, predsjednik Osnovnog suda BD BiH,
4. ZEKERIJA MUJKANOVIĆ, glavni tužilac Tužilaštva BD BiH,
5. MIRKO TRIFKOVIĆ, potpredsjednik Komisije/član Komisije iz reda građana,
6. ENVER TURSUNOVIĆ, član Komisije iz reda građana
7. VELIBOR JAKIĆ, član Komisije iz reda građana.

Sjednica počela u 08,36 sati.

Konstatuje se da sjednici prisustvuje sedam članova i da je opravdano odsutna član Komisije, Ilinka Gavrić, pravobranilac u Pravobranilaštvu BD BiH.

Konstatuje se da sjednici prisustvuje i sekretar Komisije Dejan Đurović.

Predsjednik Komisije otvara 240. redovnu sjednicu Pravosudne komisije sa predloženim dnevnim redom, s tim što predlaže da se isti dopuni na način da se iza predložene tačke 6. dodaju se nove tačke 7. i 8. koje glase: „7. Žalba Samira Tursunovića na odluku Komisije za zapošljavanje po konkursu broj: SuPK-01-721/11-I od 30.05.2022. godine, za radno mjesto šef pisarnice u Osnovnom sudu Brčko distrikta BiH“, „8. Prigovor Svetozara Vasiljevića i Džemala Zahirovića izjavljen na proceduru izbora direktora Kancelarije za pravnu pomoć po raspisanom konkursu broj: SuPK-01-847/22-I od 05.08.2022. godine“, zatim iza predložene tačke 13. dodaju se nove tačke 14. i 15. koje

glase: „14. Rang lista sa preporukom za izbor šefa pisarnice u Osnovnom sudu BD BiH po raspisanom javnom konkursu broj: SuPK-01-721/22-I od 30.05.2022. godine“, „15. Rang lista sa preporukom za izbor direktora Kancelarije za pravnu pomoć BD BiH po raspisanom javnom konkursu broj: SuPK-01-847/22-I od 05.08.2022. godine“.

Slijedom predloženih dopuna, numeracija tačaka se pomjera, tako da tačka Razno postaje tačka broj 24.

Predloženi i dopunjeni dnevni red je usvojen jednoglasno, bez primjedbi.

Prelazi se na prvu tačku dnevnog reda.

1. Usvajanje zapisnika sa 239. redovne sjednice Pravnosudne komisije Brčko distrikta BiH

Nakon razmatranja zapisnika, konstatuje se da je zapisnik sa 239. redovne sjednice Pravnosudne komisije usvojen jednoglasno, bez primjedbi.

2. Prijedlog Zakona o advokaturi Brčko distrikta Bosne i Hercegovine - drugo čitanje

Nakon obrazloženja, Komisija je jednoglasno usvojila prijedlog Zakona o advokaturi Brčko distrikta Bosne i Hercegovine, u drugom čitanju, uz predložene korekcije.

Nakon pribavljenih mišljenja odgovarajućih institucija, navedeni Zakon poslati u Skupštinsku proceduru.

3. Donošenje Odluke o formiranju Radne grupe za izradu prijedloga propisa iz finansijske i računovodstvene oblasti

Nakon obrazloženja i provedene diskusije, Komisija je jednoglasno donijela sljedeću

Odluku
o formiranju Radne grupe za izradu prijedloga propisa iz finansijske i računovodstvene oblasti

Član 1

Formira se Radna grupa za izradu prijedloga Pravilnika o izmjenama i dopunama Pravilnika o internoj kontroli trošenja budžetskih sredstava pravosuđa Brčko distrikta BiH, prijedloga izmjena i dopuna Procedura o kretanju računovodstvene dokumentacije u institucijama pravosuđa Brčko

distrikta BiH i prijedloga izmjena i dopuna Procedura rukovanja gotovim novcem u institucijama pravosuđa Brčko distrikta BiH, u sastavu od:

1. Merima Mujkić, stručni saradnik za pravne poslove i evropske integracije u Pravosudnoj komisiji Brčko distrikta BiH, predsjednik,
2. Željko Lozić, šef finansija pravosuđa Brčko distrikta BiH, član,
3. Smajila Kikić, sekretar Osnovnog i Apelacionog suda Brčko distrikta BiH, član,
4. Samir Beganović, sekretar Tužilaštva Brčko distrikta BiH, član,
5. Husein Džafić, sekretar Pravoranilaštva Brčko distrikta BiH, član.

Član 2

Radna grupa je dužna da svoj rad organizuje van radnog vremena.

Član 3

Smjernice za izradu propisa: Prijedlog propisa iz člana 1 ove odluke sačiniti u skladu sa preporukama iz Izvještaja o reviziji finansijskog poslovanja pravosuđa Brčko distrikta BiH za period 01.01.-31.12.2021. godine koje se odnose na unapređenje interne kontrole trošenja budžetskih sredstava u institucijama pravosuđa, procedura o kretanju računovodstvene dokumentacije, rukovanja sa gotovim novcem, definisanjem rizika, procjeni vjerovatnoće njihovog nastanka i uticaja na finansijsko poslovanje institucija pravosuđa prilikom izvršavanja njihovih značajnih transakcija, procedura neophodnih za eliminisanje rizika, uspostavljanje procedura u svakodnevnom radu zaposlenika kroz sistemsku komunikaciju između učesnika i efektivnog monitoringa od strane rukovodstva pojedinačnih institucija i Pravosudne komisije u cilju unaređenja sistema internih kontrola, kao i adekvatno regulisanje i drugih nedostataka koji su uočeni u primjeni ovih akata.

Član 4

Rok za izradu: Radna grupa je dužna, u skladu sa Odlukom o proceduri i izradi propisa iz nadležnosti Pravosudne komisije („Službeni glasnik Brčko distrikta BiH“, broj: 49/14), nakon sačinjavanja nacrtu i sprovođenja postupka konsultacija, prijedlog propisa iz člana 1 ove odluke utvrditi i dostaviti Stručnoj službi Pravosudne komisije zajedno sa obrazloženjem i potpisanim zapisnicima o radu do 14.11.2022. godine, dakle, ovaj zadatak se mora izvršiti u periodu od 14.10.2022.-14.11.2022. godine (rok jedan mjesec).

Član 5

Naknada za rad u trajanju od jednog mjeseca, članovima radne grupe iz člana 1 ove odluke utvrđuje se u mjesečnom iznosu koji ne može preći iznos od 10 % prosječne bruto plate zaposlenih u pravosuđu isplaćene za mjesec koji prethodi mjesecu u kojem se isplaćuje naknada i biće isplaćivana u skladu sa posebnim odlukama koje će donijeti predsjednik Pravosudne komisije.

Član 6

Ova odluka stupa na snagu danom donošenja.

4. Donošenje odluke o izmjenama i dopunama Odluke o formiranju Radne grupe za izradu prijedloga Zakona o izmjenama i dopunama Zakona o notarima Brčko distrikta BiH

Nakon obrazloženja i provedene diskusije, Komisija je jednoglasno donijela sljedeću

O D L U K U

o izmjenama i dopunama Odluke Pravosudne komisije Brčko distrikta BiH, broj: SuPK-03-939/22 od 05.08.2022. godine

Član 1

U odluci Pravosudne komisije Brčko distrikta BiH, broj: SuPK-03-939/22 od 05.08.2022. godine u članu 1 iza tačke 6. dodaju se tačke 7. i 8. koje glase:

- „7. Tanja Slišković, notar iz Brčkog, zamjenski član Ljiljane Dragičević,
- 8. Jasminka Durmić- Mašić, notar iz Brčkog, zamjenski član Sefedina Suljevića.“

Član 2

Iza dosadašnjeg člana 3 dodaje se novi član 4 koji glasi:

„Član 4

(1) Radna grupa je dužna usvojiti Poslovnik o radu kojim će detaljno regulisati način rada i postupak odlučivanja, prava i obaveze, kao i druga pitanja od značaja za rad radne grupe.

(2) Poslovnik o radu radna grupa usvaja jednoglasno.

(3) U slučaju da se Poslovnik o radu ne može usvojiti jednoglasno, isti će se smatrati usvojenim ako za njega glasa natpolovična većina od ukupnog broja članova radne grupe.

Dosadašnji član 4 postaje član 5.“

Član 3

U novom članu 5 brojevi i tekst: „05.11.2022. godine (rok tri mjeseca)“ zamjenjuju se brojevima i tekstem: „05.12.2022. godine (rok četiri) mjeseca.

Član 4

Ova odluka stupa na snagu danom donošenja.

5. Davanje Mišljenja na Nacrt Zakona o izmjenama i dopunama Zakona o Visokom sudskom i tužilačkom vijeća u BiH

Nakon obrazloženja, Komisija je jednoglasno razmatrala tekst nacrt Zakona o izmjenama i dopunama Zakona o Visokom sudskom i tužilačkom vijeća u BiH i nakon provedene diskusije konstatovala da ostaje kod mišljenja Komisije broj: SuPK-03-1129/20 od 25.09.2020. godine u dijelu koji se odnosi na sugestije koje nisu uvrštene u tekst Nacrt Zakona, a po pitanju ugrađenih novina u skladu sa preliminarim komentarima Evropske komisije daje pozitivno mišljenje i nema primjedbi i sugestija na isti.

6. Žalba Radenković Bože protiv zaključka predsjednika Pravosudne komisije Brčko distrikta BiH broj SuPK-01-865/22-II od 12.09.2022. godine

Konstatuje se da se predsjednik Komisije izuzima po razmatranju i odlučivanju po ovoj tački.

Nakon obrazloženja i provedene diskusije, Komisija jednoglasno donosi sljedeće

Rješenje

Žalba sudskog policajca Bože Radenkovića, izjavljena protiv zaključka predsjednika Pravosudne komisije Brčko distrikta BiH broj: SuPK-01-865/22-II od 12.09.2022. godine, se odbija kao neosnovana.

Nakon toga, Komisija konstatuje da je potrebno da se utvrdi odgovornost za dostavljanje pogrešnih podataka o visini iznosa plate.

Konstatuje se da se predsjednik Komisije vratio i ponovno uključio u rad sjednice.

7. Žalba Samira Tursunovića na odluku Komisije za zapošljavanje po konkursu broj: SuPK-01-721/11-I od 30.05.2022. godine, za radno mjesto šef pisarnice u Osnovnom sudu Brčko distrikta BiH

Nakon obrazloženja i provedene diskusije, Komisija je jednoglasno donijela sljedeću

Odluku

Žalba Samira Tursunovića izjavljena na Izvještaj o selekciji kandidata za izbor šefa pisarnice u Osnovnom sudu Brčko distrikta BiH po raspisanom konkursu broj: SuPK-01-721/22-I od 30.05.2022. godine se odbacuje kao nedopuštena.

8. Prigovor Svetožara Vasiljevića i Džemala Zahirovića izjavljen na proceduru izbora direktora Kancelarije za pravnu pomoć po raspisanom konkursu broj: SuPK-01-847/22-I od 05.08.2022. godine

Konstatuje se da se predsjednik Komisije i članovi Komisije za zapošljavanje izuzimaju se po razmatranju i odlučivanju po ovoj tački.

Nakon obrazloženja i provedene diskusije, Komisija je u sastavu od 3 člana iz reda građana, donijela sljedeću

Odluku

Prigovor Svetožara Vasiljevića i Džemala Zahirovića, izjavljen na proceduru izbora direktora Kancelarije za pravnu pomoć po raspisanom konkursu broj: SuPK-01-847/22-I od 05.08.2022. godine, se **ODBACUJE** kao nedopušten.

Konstatuje se da su se svi izuzeti članovi vratili i ponovno uključili u rad sjednice.

9. Davanje saglasnosti na Odluku o izmjeni Odluke o imenovanju Komisije za odabiranje arhivske građe i izlučivanje bezvrijednog registraturskog materijala u Osnovnom sudu Brčko distrikta BiH

Nakon obrazloženja, Komisija je jednoglasno donijela sljedeću

Odluku

Pravosudna komisija Brčko distrikta BiH daje saglasnost na Odluku broj 096-0-Su-22-003601 od 04.10.2022. godine kojom se vrši izmjena Odluke o imenovanju Komisije za odabiranje arhivske građe i izlučivanje bezvrijednog registraturskog materijala u Osnovnom sudu Brčko distrikta BiH broj 096-0-Su-21-001595 od 05.05.2021. godine.

10. Donošenje Odluke o organizovanju seminara na temu „Obrada tajnih podataka“

Nakon obrazloženja, Komisija je jednoglasno donijela sljedeću

Odluku

Pravosudna komisija Brčko distrikta BiH organizuje seminar na temu: „Obrada tajnih podataka“ (upoznavanje sa internim procedurama obrade tajnih podataka, te pravima i dužnostima zaposlenika) za službenike i namještenike u pravosuđu Brčko distrikta BiH, koji će se održati 25.10.2022. godine u sali za edukaciju Pravosudne komisije Brčko distrikta BiH.

Za edukatora na seminaru imenuju se Mate Miletić pomoćnik ministra – zaposlen u Ministarstvu sigurnosti Bosne i Hercegovine, Munib Isaković šef Odsjeka za propise, dozvole i industrijsku sigurnost i Ognjen Zekić, šef Odsjeka za tehničke standarde i nadzor.

Edukatori imaju obavezu da učestvuju u pripremi, kreiranju i sastavljanju dnevnog reda seminara najkasnije 15 dana prije održavanja seminara, da organizuje praktični dio obuke, da pripremi i dostavi određenu temu u formi elektronskog materijala pripremljenog za korištenje u procesu edukacije najkasnije 15 dana prije održavanja seminara, da podnesu izvještaj o evaluaciji seminara sa zaključcima seminara u roku od 8 dana od dana završetka seminara i da podnesu obračun troškova edukacije uz prilaganje originalnih dokaza i dokumenata u roku od 8 dana od dana završetka seminara.

Pravosudna komisija će obezbjediti tehničku podršku i uslove za održavanje seminara, kao i učešće službenika Pravosudne komisije koji će pomoći edukatorima u vršenju njihovih dužnosti i sačinjavanju izvještaja i koji će obavljati ostale poslove koji su od značaja za uspješnu realizaciju seminara.

Pravosudna komisija Brčko distrikta BiH će snositi troškove organizacije seminara, troškove naknade imenovanim edukatorima i troškove prevoza, o čemu će se donijeti posebna odluka.

11. Donošenje Odluke o isplati naknade edukatoru na ime seminara za sudije na temu „Aktuelna pitanja iz Zakona o parničnom postupku Brčko distrikta - sporno pravno pitanje“

Nakon obrazloženja, Komisija je jednoglasno donijela sljedeću

Odluku

Nalaže se finansijskoj službi Pravosudne komisije Brčko distrikta BiH da na ime naknade za izvršenu edukaciju na seminaru na temu „Aktuelna pitanja iz Zakona o parničnom postupku Brčko distrikta sporno pravno pitanje“ održanom dana 30.09.2022. godine u Brčkom, edukatoru Goranu Neziroviću sudiji Vrhovnog suda Federacije Bosne i Hercegovine, isplati iznos od 510,77 KM (petstotinadeset KM i 77/100 KM).

12. Verifikacija Rješenja o raskidu ugovora o volonterskom radu sa Vladanom Macanović, volonterom u Osnovnom sudu Brčko distrikta BiH

Nakon obrazloženja, konstatuje se da je Komisija jednoglasno verifikovala Rješenje Pravosudne komisije Brčko distrikta BiH, broj: SuPK-01-1071/22-I od 21.09.2022. godine.

13. Donošenje Rješenja o prestanku radnog odnosa Miletu Teodosiću, šefu pisarnice u Osnovnom sudu Brčko distrikta BiH

Nakon obrazloženja, Komisija je jednoglasno donijela sljedeće

Rješenje

Miletu Teodosiću, šefu pisarnice u Osnovnom sudu Brčko distrikta BiH, prestaje radni odnos u Osnovnom sudu Brčko distrikta BiH, zaključno sa 08.11.2022. godine, radi odlaska u starosnu penziju.

14. Imenovanje Komisije za zapošljavanje po raspisanom javnom konkursu broj: SuPK-01-1043/22-I od 09.09.2022. godine

Nakon obrazloženja i provedne diskusije, Komisija jednoglasno donosi sljedeću

Odluku

o imenovanju Komisija za zapošljavanje po javnom konkursu broj: SuPK-01-1043/22-I od 09.09.2022. godine

I Imenuje se Komisija za zapošljavanje Referent-operater-asistent u Osnovnom sudu Brčko distrikta BiH (na neodeđeno vrijeme), u sastavu tri člana:

1. Dragan Tomaš, predsjednik,
2. Selim Karamehić, član,
3. Mirela Azapović, član.

II Imenuje se Komisija za zapošljavanje Higijeničar u Pravosudnoj komisiji Brčko distrikta BiH (na neodeđeno vrijeme), u sastavu tri člana:

1. Dejan Đurović, predsjednik,
2. Željko Lozić, član,
3. Vedad Osmanović, član.

15. Rang lista sa preporukom za izbor stručnog saradnika u Apelacionom sudu Brčko distrikta BiH, po raspisanom javnom konkursu broj: SuPK-01-721/22-I od 30.05.2022. godine

Nakon obrazloženja i provedene diskusije, konstatuje se da je Komisija je jednoglasno u skladu sa odbredbom člana 38. stav (3) Zakona o službenicima i namještenicima Brčko distrikta BiH potvrdila izbor Jelene Jekić, kandidata koji je ostvario najveći broj bodova, nakon provedene procedure za izbor „stručni saradnik u Apelacionom sudu Brčko distrikta BiH“.

16. Rang lista sa preporukom za izbor šefa pisarnice u Osnovnom sudu Brčko distrikta BiH, po raspisanom javnom konkursu broj: SuPK-01-721/22-I od 30.05.2022. godine

Nakon obrazloženja i provedene diskusije, konstatuje se da je Komisija je jednoglasno u skladu sa odbredbom člana 38. stav (3) Zakona o službenicima i namještenicima Brčko distrikta BiH potvrdila izbor Stanislave Kikić, kandidata koji je ostvario najveći broj bodova, nakon provedene procedure za izbor „šefa pisarnice u Osnovnom sudu Brčko distrikta BiH“.

17. Rang lista sa preporukom za izbor direktora Kancelarije za pravnu pomoć BD BiH po raspisanom javnom konkursu broj: SuPK-01-847/22-I od 05.08.2022. godine

Konstatuje se da se predsjednik Komisije izuzima po odlučivanju ove tačke.

Nakon obrazloženja i provedene diskusije, konstatuje se da je Komisija je jednoglasno u skladu sa odbredbom člana 38. stav (3) Zakona o službenicima i namještenicima Brčko distrikta BiH potvrdila izbor Safeta Pizovića, kandidata koji je ostvario najveći broj bodova nakon provedene procedure za izbor „direktora Kancelarije za pravnu pomoć Brčko distrikta BiH“.

Konstatuje se da se predsjednik Komisije vratio i ponovo predsjedava sjednicom.

18. Zaključivanje ugovora o volonterskom radu sa Jelenom Lukić, volonterom u Osnovnom sudu Brčko distrikta BiH

Nakon obrazloženja, Komisija jednoglasno zaključuje

Ugovor o volonterskom radu
na određeno vrijeme sa punim radnim vremenom

Na radno mjesto volontera u Osnovnom sudu Brčko distrikta BiH, prima se Jelena Lukić, kćer Jovana, iz Brčkog.

Imenovana se prima na određeno vrijeme, počev od 19.10.2022. godine pa do 19.10.2024. godine, odnosno do ispunjavanja uslova za polaganje pravosudnog ispita, a najdalje do dvije godine.

19. Javni poziv za prijem volontera u pravosudne institucije Brčko distrikta BiH

Javni poziv
za prijem volontera u pravosudne institucije Brčko distrikta BiH

1. Osnovni sud Brčko distrikta BiH 1 (jedan) volonter

Javni poziv se raspisuje za prijem 1 (jednog) diplomiranog pravnika u svojstvu volontera u Osnovni sud Brčko distrikta BiH, radi sticanja radnog iskustva u pravosuđu, bez zasnivanja radnog odnosa.

Prijave na javni poziv podnose se od 19.10.2022. godine pa do 02.11.2022. godine.

20. Donošenje rješenja o imenovanju Lj. M. koja će nadzirati rad za opšte dobro na slobodi osuđenog F. C. i rješenja o raspoređivanju F. C. na radno mjesto praoničar/vulkanizer u JP Komunalno Brčko d.o.o Brčko distrikt BiH

Lj. M. imenuje se za povjerenika osuđenom F. C. i nadzirat će rad za opšte dobro na slobodi imenovanog u Javnom preduzeću „Komunalno Brčko“ d.o.o. Brčko distrikt BiH.

Povjerenik se imenuje na vremenski period od 30 radnih dana izvršavanja rada za opšte dobro na slobodi osuđenog lica.

Povjereniku za nadzor nad osuđenim licem pripada dnevna naknada za rad u iznosu od 2% od prosječne neto plate zaposlenih u institucijama Bosne i Hercegovine za 2021. godinu.

I nakon toga Komisija donosi sljedeće,

Rješenje

Raspoređuje se osuđeno lice F. C. na radno mjesto „praoničar/vulkanizer“ u Javnom preduzeću „Komunalno Brčko“ d.o.o. Brčko distrikt BiH.

Osuđeno lice će rad za opšte dobro na slobodi u trajanju od 30 (trideset) radnih dana obavljati u periodu od 01.11.2022. godine pa do 12.12.2022. godine.

21. Donošenje rješenja o imenovanju R. S. koji će nadzirati rad za opšte dobro na slobodi osuđenog I. A. i rješenja o raspoređivanju I. A. na radno mjesto očitач električne energije/dostavljač u JP Komunalno Brčko d.o.o Brčko distrikt BiH

R. S. imenuje se za povjerenika osuđenom I. A. i nadzirat će rad za opšte dobro na slobodi imenovanog u Javnom preduzeću „Komunalno Brčko“ d.o.o. Brčko distrikt BiH.

Povjerenik se imenuje na vremenski period od 20 radnih dana izvršavanja rada za opšte dobro na slobodi osuđenog lica.

Povjereniku za nadzor nad osuđenim licem pripada dnevna naknada za rad u iznosu od 2% od prosječne neto plate zaposlenih u institucijama Bosne i Hercegovine za 2021. godinu.

I nakon toga Komisija donosi sljedeće,

Rješenje

Raspoređuje se osuđeno lice I. A. na radno mjesto „očitač električne energije/dostavljač“ u Javnom preduzeću „Komunalno Brčko“ d.o.o. Brčko distrikt BiH.

Osuđeno lice će rad za opšte dobro na slobodi u trajanju od 20 (dvadeset) radnih dana obavljati u periodu od 01.11.2022. godine pa do 28.11.2022. godine.

22. Molba za pomilovanje osuđenog D. Š.

Nakon obrazloženja, Komisija jednoglasno daje prijedlog gradonačelniku Brčko distrikta BiH da se osuđeni D. Š. ne pomiluje.

23. Molba za pomilovanje osuđene A. Š.

Nakon obrazloženja, Komisija jednoglasno daje prijedlog gradonačelniku Brčko distrikta BiH da se osuđena A. Š. ne pomiluje.

24. R a z n o

Informacija o zakonima u skupštinskoj proceduri Informacija u vezi Nacrta Zakona o sudovima BiH

Sekretar Komisije je upoznao članove Komisije o zakonima u skupštinskoj proceduri i Informacije u vezi Nacrta Zakona o sudovima BiH.

Konstatuje se da je navedene informacije Komisija primila k znanju.

Konstatuje se da je sjednici u 09,47 sati pristupio Željko Lozić, šef finansija pravosuđa Brčko distrikta, povodom usmenog zahtjeva predsjednika Osnovnog suda Jadranka Grčevića, u vezi primjene odredbe člana 4. (Dodatak na radni staž) Zakona o platama i drugim naknadama sudija i tužilaca u Brčko distriktu BiH.

Nakon razmatranja usmenog zahtjeva predsjednika Grčevića, konstatuje se da se uputi dopis Direkciji za finansije Brčko distrikta BiH u vezi predmetne odredbe navedenog Zakona.

Kako se više niko nije javio za riječ, 240. redovna sjednica završena je u 09,56 sati.

**Zapisnik vodila
Nataša Kovač**

**Predsjednik
Pravosudne komisije**

Safet Pizović